

PREGHIERE PER L'OPPORTUNITÀ DE' TEMPI NOSTRI



PREGHIERE

PER L' OPPORTUNITA' DE' TEMPI NOSTRI

Exaudi, Domine Jesu Christe, preces servorum tuorum et miserere nobis, qui cum Patre et Spiritu Sancto vivis et regnas in saecula saeculorum. Amen.

Antiph. Da pacem, Domine, in diebus nostris, quia non est alius, qui pugnet pro nobis, nisi Tu, Deus noster.

Ps. 2. Quare fremuerunt gentes,* et populi meditati sunt inania?

Astiterunt reges terrae, et principes conveniunt in unum * adversus Dominum et adversus Christum ejus.

Dirumpamus vincula eorum, * et projiciamus a nobis jugum ipsorum.

Qui habitat in coelis irridebit eos;* et Dominus subsannabit eos.

Tunc loquetur ad eos in ira sua,* et in furore suo conturbabit eos.

Ego autem constitutus sum rex ab eo super Sion montem sanctum ejus,* praedicans praeceptum ejus.

Dominus dixit ad me: Filius meus es tu;* ego hodie genui te.

Postula a me et dabo tibi gentes haereditatem tuam,* et possessionem tuam terminos terrae.



Reges eos in virga ferrea, * et tamquam vas figuli confringes eos.

Et nunc, reges, intelligite: * erudimini qui iudicatis terram.

Servite Domino in timore, * et exultate ei cum tremore.

Apprehendite disciplinam, * nequando irascatur Dominus, et pereatis de via justa.

Cum exarserit in brevi ira ejus, * beati omnes qui confidunt in eo. Gloria Patri etc. *repetatur* Ant. ut supra.

Antiph. O Maria Virgo, quae cunctas haeresees sola interemisti in universo mundo, da nobis virtutem contra hostes tuos.

Ps. 66. Deus misereatur nostri et benedicat nobis; * illuminet vultum suum super nos, et misereatur nostri;

Ut cognoscamus in terra viam tuam, * in omnibus gentibus salutare tuum.

Confiteantur tibi populi, Deus, * confiteantur tibi populi omnes.

Laetentur et exultent gentes; * quoniam iudicas populos in aequitate, et gentes in terra dirigis.

Confiteantur tibi populi, Deus; confiteantur tibi populi omnes: * terra dedit fructum suum.

Benedicat nos Deus, Deus noster, benedicat nos Deus; * et metuant eum omnes fines terrae. Gloria etc. *Rep. ant.*

Ant. Princeps gloriosissime Michael Arcangele, esto memor nostri: hic et ubique semper precare pro nobis Filium Dei, et veni in adiutorium populo Dei.

Ps. 34. Judica, Domine, nocentes me; * expugna impugnantes me.

Apprehende arma et scutum, * et exurge in adiutorium mihi.

Effunde frameam, et concludere adversus eos, qui persequuntur me, * dic animae meae: Salus tua ego sum.

Confundantur et reveantur, * quaerentes animam meam.

Avertantur et confundantur, * cogitantes mihi mala.

Fiant tamquam pulvis ante faciem venti; * et angelus Domini coarctans eos.

Fiat via illorum tenebrae et lubricum; * et angelus Domini persequens eos.

Quoniam gratis absconderunt mihi interitum laquei sui; * supervacue exprobraverunt animam meam.

Veniat illi laqueus, quem ignorat, et captio, quam abscondit, * apprehendat eum, et in laqueum cadat in ipsum.

Anima autem mea exultabit in Domino; * et delectabitur super salutari suo.

Omnia ossa mea dicent: * Domine, quis similis tibi?

Eripiens inopem de manu fortiorum ejus, * egenum et pauperem a diripientibus eum.

Surgentes testes iniqui, quae ignorabam, * interrogabant me.

Retribuebant mihi mala pro bonis: * sterilitatem animae meae.

Ego autem cum mihi molesti essent, * induer bar cilicio.

Humiliabam in jejunio animam meam; * et oratio mea in sinu meo convertetur.

Quasi proximum et quasi fratrem nostrum, sic complacebam: * quasi lugens et contristatus sic humiliabar.

Et adversum me laetati sunt, et conveniunt: * congregata sunt super me flagella, et ignoravi.

Dissipati sunt, nec compuncti: tentaverunt me, subsannaverunt me subsannatione; * frenduerunt super me dentibus suis.

Domine, quando respicies? restitue animam meam a malignitate eorum, * a leonibus unicam meam.

Confitebor tibi in Ecclesia magna; * in populo gravi laudabo te.

Non supergaudeant mihi, qui adversantur mihi inique; * qui oderunt me gratis, et annuunt oculis.

Quoniam mihi quidem pacifice loquebantur; * et in iracundia terrae loquentes, dolos cogitabant.

Et dilataverunt super me os suum; et dixerunt: * Euge, euge viderunt oculi nostri.

Vidisti, Domine; ne sileas: * Domine ne discedas a me.

Exurge, et intende iudicio meo; * Deus meus, et Dominus meus in causam meam.

Judica me secundum justitiam tuam, Domine Deus meus; * et non supergaudeant mihi.

Non dicant in cordibus suis; euge, euge, animae nostrae; * nec dicant: Devoravimus eum.

Erubescant et reveantur simul; * qui gratulantur malis meis.

Induantur confusione et reverentia, * qui magna loquuntur super me.

Exultent et laetentur qui volunt justitiam meam; * et dicant semper: Magnificetur Dominus, qui volunt pacem servi ejus.

Et lingua mea meditabitur justitiam tuam, * tota die laudem tuam. Gloria etc. *Repet. Ant.*

Kyrie, eleison. Christe, eleison. Kyrie, eleison. Christe, audi nos. Christe, exaudi nos. Pater de coelis, Deus, miserere nobis.

Fili, redemptor mundi Deus, miserere nobis.

Spiritus Sancte Deus, miserere nobis.

Sancta Trinitas, unus Deus, miserere nobis.

Sancta Maria ora pro nobis

Sancta Dei Genitrix ora

Sancta Virgo Virginum ora

Sancte Michael ora

Omnes sancti angeli et arcangeli orate pro nobis.

Omnes sancti Apostoli et Evangelistae orate

Omnes sancti Martyres orate

Omnes sancti Doctores orate

Omnes sancti et sanctae Dei, intercedite pro nobis.

Ab omni malo libera nos, Domine.

Ab omni peccato, libera

Ab ira tua, libera

Peccatores, Te rogamus, audi nos.

Ut Ecclesiam tuam sanctam regere et conservare digneris. Te rogamus.

Ut Dominum Apostolicum et omnes ecclesiasticos ordines in sancta religione conservare digneris. Te rogamus.

Ut inimicos sanctae Ecclesiae humiliare digneris, Te rogamus.

Ut regibus et principibus christianis pacem et veram concordiam donare digneris, Te rogamus.

Ut cuncto populo christiano pacem et unitatem largiri digneris, Te rogamus.

Ut nosmetipsos in tuo sancto servitio confortare et conservare digneris, Te rogamus.

Ut nos exaudire digneris, Te rogamus.

Fili Dei, Te rogamus.

Agnus Dei, qui tollis peccata mundi, parce nobis, Domine.

Agnus Dei qui tollis peccata mundi, exaudi nos, Domine.

Agnus Dei qui tollis peccata mundi, miserere nobis.

Pater noster etc. *secreto* Et ne nos inducas in tentationem.

R. Sed libera nos a malo.

V. Salvos fac servos tuos.

R. Deus meus. sperantes in Te.

V. Esto nobis, Domine, turris fortitudinis.

R. A facie inimici.

V. Nihil proficiat inimicus in nobis.

R. Et filius iniquitatis non apponat nocere nobis.

V. Domine, non secundum peccata nostra facias nobis.

V. Neque secundum iniquitates nostras retribuas nobis.

V. Oremus pro Pontifice nostro Pio.

R. Dominus conservet eum et vivificet eum et

beatum faciat eum in terra, et non tradat
eum in animam inimicorum ejus.

v. Domine, exaudi orationem meam.

R. Et clamor meus etc.

v. Dominus vobiscum.

R. Et cum spiritu tuo.

OREMUS

Deus, qui culpa offenderis, poenitentia placaris: preces populi tui supplicantis, propitius respice; et flagella tuae iracundiae, quae pro peccatis nostris meremur, averte.

Ecclesiae tuae, quaesumus Domine, preces placatus admitte; ut, destructis adversitatibus et erroribus universis, segura tibi serviat libertate.

Deus, a quo sancta desideria, recta consilia, et justa sunt opera; da servis tuis illam, quam mundus dare non potest, pacem; ut, et corda nostra mandatis tuis dedita et hostium sublata formidine, tempora sint tua protectione tranquilla.

Deus, omnium fidelium Pastor et Rector, famulum tuum Pium, quem pastorem Ecclesiae tuae praeesse voluisti, propitius respice, da ei quaesumus, verbo et exemplo, quibus praeest, proficere, ut ad vitam, una cum grege sibi credito, perveniat sempiternam.

Omnipotens sempiterne Deus, miserere fa-

mulo tuo Pontifici Ecclesiae Florentinae Joachim; et dirige eum secundum tuam clementiam in via salutis aeternae; ut. Te donante, tibi placita cupiat, et tota virtute perficiat.

Concede nos famulos tuos, quaesumus Domine Deus, perpetua mentis et corporis sanitate gaudere; et gloriosa beatæ Mariæ semper Virginis intercessione, a presenti liberari tristitia et aeterna perfrui lætitia.

Deus, qui miro ordine Angelorum ministeria, hominumque dispensas; concede propitius: ut a quibus tibi ministrantibus in coelo semper assistitur, ab his in terra vita nostra muniat. Per Dominum nostrum etc.

v. Dominus vobiscum.

r. Et cum spiritu tuo.

v. Exaudiat nos omnipotens et misericors Dominus. Amen.

v. Et divinum auxilium maneat semper nobiscum. Amen.

Si concedono quaranta giorni d'indulgenza a coloro che reciteranno devotamente queste preghiere.

Firenze, il 7 Gennaio 1860.

† GIOVACCHINO Arciv. di Firenze



